

Parcs svizzers, part 1: Giura e Svizra Bassa

■ «Parcs svizzers» è il label dals parcs nativals d'impurtanza naziunala che stattan sut la protecziun da l'Uffizi federal d'ambient. En in pitschen gir tras la Svizra vegnan preschentads ils singuls parcs, cumenzond cun l'artg dal Giura e cuntinuond tras la Svizra Bassa e las Prealps.

1) Parc natival dal Doubs (JU, NE, BE)

Il Doubs furma sur 40 km in cunfin natival tranter la Svizra e la Frantscha. A Les Brenets è quest miracul da la natira spezialmain impressiuant: il flum sbucca en in lai tschinclà da parais-crap abruptas cun auras paschaivlas che creschan tuttenina a cascadas: in exempel fantastic è il «Saut-du-Doubs». Ins cuntanscha el a pe davent da la piazza da sbartgar. L'aua cuntinescha ses viadi in las chavorgias selvadias che traversan Goumois per arriivar al «Clos du Doubs» e per turnar alura puspè en Frantscha.

Excursiun «Cascada dal Doubs» (21 km da Les Brenets a Biaufond): La tura parta da Les Brenets e maina suenter trais kilometers a l'emprim punct culminant, la cascada numnada «Saut-du-Doubs». Ella cuntinescha lung il Lai da Moron al mir da serra. Il pitschen restaurant «Halte du Châtelot» era a ses temp in lieu d'inscunter dals cuntrabandists.



Sperasvi a grips abrupts sa schluita il Doubs, mintgatant furibund, mintgatant tut calm, fin a La Rasse.

In'oasa verda: L'Etang da la Gruère sa chatta en il cor da las Franches-Montagnes, tranter Saignelégier e Tramelan. Ina senda serpegia enturn quest lajet pittoresc situà amez ina pali auta. Il terren belmus nutrescha ina vegetaziun ritga e mirvegliusa. Il lieu ha ina fauna originara, tant en l'aua sco sin la terra.

2) Parc regional Chasseral (BE, NE)

Il Chasseral, il grondius balcun da la Svizra, ha bieras fatschas diversas: Pasturas, vignas, chavorgias, planiras e valladas en il frigt d'ina gronda voluntad da viver dignamain. Ses abitants, superbis da lur ragischs, èn er piuniers da la tecnologia spezialisada: Uras da qualitat e chaschiel da renum internaziunala en las valurs segiras da questa regiun. Mintgin vegn a chattar qua chaminond, respirond, guardond enturn e discurrend cun la glied il vair plaschair da viver.

Excursiun «Via dal Mont Sujet» (12 km da Prés-d'Orvin a Twann): La via maina da Les Prés-d'Orvin (1007 m) al Lai da Bienna (433 m) via il Mont-Sujet, la senda dals sculpturs e las chavorgias da Douanne. Ella è variada e porscha bellas vistas panoramicas.

Via dals anabaptists: In'ulteriura excursiun maina da Sonceboz-Sombeval sin il Chasseral. La tura da dus dis envida a scuvrir ils fastiz visibels dals anabaptists ch'èran fugids sin ils auts dal Giura: lieus da sentupada secrets cun inscripziuns misteriusas, raits da mirs sites e bier auter pli.

3) Parc natival da Thal (SO)

Il Parc natival da Thal vala sco lieu secret. Integrà en las chadainas da muntognas dal Giura soloturnais, pussibilitescha el da far spassegiadas en la natira cun tge tempo ch'i saja: Ins po percurrer cun il velo la cuntrada cun sias numerusas ruinas da chastels u s'approfondar sin sendas da viandar tematicas en la fauna e flora, la geologia ed il mund mitic da la regiun. Ultra da quei carmaleschan curtins da raiver si en ils auts. E tgi che vul far pacific, sa lascha maldisar en in dals restaurants da muntogna.

La via tras la chavorgia dal luf (via circulara da 14 km a partir da Welschenrohr): Sin questa tura pon ins vesair e giudair las differentas fatschas dal Parc natival da Thal. La tura cumenza cun la muntada tras la chavorgia dal luf, selvadia e romantica, e cuntinescha en las autezzas da la segunda chadaina dal Giura via Tannmatt ed enavos a Welschenrohr.

Museum Haarundkaam, Mümliswil: En l'anteriura fabrica da petgens empendan ils visitaders e las visitadoras dapli dals



Vallée de Joux en il Parc natival regional Jura vaudois.

(FOTO: PD)

chavels, da la decoraziun da quels e da frisas. L'interpresa ch'aveva a sias uras success sin l'entir mund, furniva petgens a diversas chasas roialas ed a personalitads famusas. En la veglia fabrica da petgens a Mümliswil reviva puspè l'istorgia dal lieu e da la tradiziun da far petgens.

4) Parc natival dal Giura Argovian (AG)

Tranter l'Aara ed il Rain s'extenda la cuntrada da collinas dal Giura argovian. Ella è il pli vast territori natival ed il pli grond spazi da recreaziun tranter Basilea e Turitg ed envida da sa recrear, da scuvrir, da giudair e da sa mover. Spassegiand pon ins scuvrir gauds da tieus clers, cun spundas d'orchideas, steppas da grips e vignas. La zona centrala dal parc consista dal massiv dal Giura tranter Frick e Villigen cun sias planiras autas, danunder ch'ins po vesair lunsch viaden en las Alps. Cun sias vals e ses vitgs originars furma il Giura argovian in contrast amabel cun la zona da colonizaziun lung l'Aara ed il Rain.

Excursiun en il Chriesiland (via circulara da 5,5 km a partir da Gipf-Oberfrick): Il Chriesiwäg è ina via circulara en la cuntrada singulara dal Fricktal. La via tematica intermediaria chausas interessantas davart la cultivaziun da tschareschas e lur diever multifar. Ins po vesair a flurir e mardir ils fritgs – e durant la stagiun da racolta pon ins schizunt sagiar las tschareschas directamain giu da las plantas.

Visita al tigl vegliander da Linn (via circulara da 4,5 km): L'excursiun maina dal tigl da Linn, ina planta vegliandra da 800 onns, tras il vitg en il Sagimülitali. 14 tavlas infurmeschan il visitader davart il maletg dal vitg d'impurtanza naziunala, las particularitads da la cuntrada giurassiana e las vias da transit istoricas, sco il pass istoric a Linn. Ulteriuras attraziuns ch'ins scuntra per via èn ina cascada, in'anteriura chava da crappa ed in prà d'orchideas d'impurtanza chantunala.

5) Project Parc natival Schaffusa

En il Parc natival regional da Schaffusa ves'ins amplas surfatschas aradas, prads sites unics, gronds gauds, vignas cultivadas cun premura e l'incunparabla cuntrada fluviala dal Rain. La topografia cun las vals laterals, las spundas vers sid, la planira auta da Randen e la cuntrada dal Rain furman in spazi vital varià extraordinari. Entamez datti numerusas vischnancas construidas cun la tipica armadura da trav da la regiun. Il Parc natival envida a viandar, ir cun velo o cun la bartga – e tut quei lunsch davent da l'invasiun da turists.

Via da cunfin da Schaffusa: La via da cunfin da Schaffusa cuminescha l'impressiuanta forza da la Cascada dal Rain cun las vignas cultivadas premuramain da la regiun plain viticultura da Wilchingen-Osterfingen. Ella maina per lung d'ina plaschaivla chadaina da collinas al cunfin cun Jestetten (Germania).

Via Gottardo: La ruta 77, marcada sco bratsch lateral da la Via Gottardo (Rutas

Schweiz-Mobil), cumenza datiers dal punct il pli al nord da la Svizra en la vischnanca da Bergen. La tipica cuntrada dal bratsch dal Giura «Randen» e la val da Merishausen caracteriseschan questa etappa.

6) Parc natival da recreaziun Zürich Sihlwald (ZH)

L'emprim parc natival da recreaziun da la Svizra è in lieu plain secrets. Il Sihlwald vegn surlaschà dapi l'onni 2000 per gronda part a sazez. Uschia maina la natira la batgetta magica en il pli grond gaud da faus da la Svizra Bassa. Il resultat è in territori mirveglius cun creatiras fabulusas zuppadas en plantas, en ragischs ed en la laina setga scrudada. Per las Turitgaisas ed ils Turitgais è il Sihlwald a medem mument ina cuntrada selvadia ed in spazi da recreaziun. En il parc zoologic Turitg Langenberg vivan animals da rapina sco l'urs, il luf ed il luf-tscherver.

Excursiun tras il Sihlwald (12 km da Hausen am Albis a Horgen): L'excursiun maina da Hausen tras il Parc natival da Turitg Sihlwald. Suenter in'ascensiu spundiva cuntansch'ins l'Albhorn. Sperasvi a gauds che paran ina tschungla arriv'ins finalmain al center da visitaders en l'ac-laun da Sihlwald. Il punct final da l'excursiun è Horgen al Lai da Turitg.

Il center da visitaders: Tschintg minutas davent da la staziun da Sihlwald sa chatta il center da visitaders dal Parc natival cun in museum, ina butia da souvenirs ed ina cafeteria. In'exposiziun permanenta e duas exposiziuns temporaras dattan a las visitadoras ed als visitaders invistas en l'istorgia dal parc ed en ils secrets da la cuntrada selvadia.

7) Parc natival regional Jura vaudois (VD)

Il Parc natival regional Jura vaudois s'extenda dal Pass da la Givrine fin a la pitschna citad medievala da Romainmôtier, daventada famusa per si'abazia. Sias cuntradas èn ordvart variadas: gauds paschaivels alturneschan cun palids misteriusas, vastas pastgiras e grippa carstica. La regiun è spezialmain adattada per turas cun il velo da muntogna e per excursiuns da plaschair, cun bieras ustarias tradiziunals che porschan spezialitads da la regiun.

Excursiun al punct culminant dal Giura svizzer (16 km da Le Sentier a Montricher): Quest'excursiun maina tras il Parc Jura vaudois da la Vallée de Joux al Pied du Jura sur il punct culminant dal Giura svizzer, il Mont Tendre (1679 m). Da questa muntogna han ins ina vista magnifica sin las Alps ed il Lai da Geneva.

Il gaud il pli grond da l'Europa: Il gaud da Risoud è cun sias 2277 hectaras effectivamain immens! Situà sin passa 1000 meters sur mar, cumpiglia el sur-tut pigns che furneschan laina da fitg auta qualitat. Sco ch'i para è il lain da resonanza dal Risoud schizunt vegni utilisà

per tscherts instruments da Stradivari! Scuvri quest gaud mitic populà da legendas e d'istorgias da cuntrabanda...

8) Project Parc natival da recreaziun Jorat (VD)

Al nord da Losanna exista dapi il 2017 in ulteriur candidat sco parc natival da recreaziun, numnadamain il territori collinus dal Jorat che furma la pli gronda surfatscha da gaud coerenta da la Svizra Bassa.

Pervi da sias bieras funtaunas e regiuns umidas vala il Jorat sco chombra d'aua da la regiun e reservuar d'aua da baiver d'alta qualitat. Il Jorat furma in territori natival cun ina ferma identitad.

9) Parc natival regional Gruyère Pays-d'Enhaut (FR, VD)

En il Parc natival regional Gruyère Pays-d'Enhaut entran l'uman, la natira e la cultura en ina convivenza impressiuanta: Las chadainas da collinas selvadias cun las stallas d'alp cuvertas cun schiondas, ils vitgs istorics e las punts da crap sur la Saane èn perditgas d'ina cultura da plirs tschientaners. Anc oz celebreschan ils indigens lur luschezza patriotica cun bieras festas popularas ed isanzas. Els giandan lur cuntrada magnifica: il reservat Pierreuse u Vanil noir èn exempels da cuntradas senza paregl.

Viandar tranter il Hochmatt ed il Vanil Noir (21,4 km da La Villette a Granges): La tura en las muntognas da la regiun da cunfin friburgais-vadaisa maina da La Villette e la Val Jaun a la staziun da viafier da Les Granges a l'ost da Château-d'Oex en il Pays-d'Enhaut. La ruta marcada da l'entschatta a la fin è topograficamain fitg variada, cun in'ascensiu da circa trais uras ed ina lunga descensiu main spundiva.

Ils Relais Infos: La Maison de l'Etivaz è l'emprim Relais Infos dal Parc natival regional Gruyère Pays-d'Enhaut. Ella ha ina struttura fixa cun in spazi d'infurmaziun che preschenta il parc e l'economia alpina cun datas e facts. Dus diaporamas permettan da visualisar il far chaschiel e preschentan las chamonas d'alp, nua ch'il visitader po participar a la produziun dal chaschiel.

10) Parc natival da Gantrisch (BE, FR)

Gauds, chavorgias e la chadaina dal Gantrisch caracteriseschan la cuntrada dal Parc natival regional da Gantrisch. La regiun è famusa per ditgas e paraulas sco per exempel quella da Vreneli dal Guggisberg. La polluziun tras glisch è minimala e premetta uschia ina vista clera en las stailas. La cuntrada genuina è ideala per ralentar. Per quest juvel han cumbatù biers umans: Avant onns era il lajet da Gantrisch sin il precint da s'enterrar. Grazia a numerusas uras da lavur voluntaras ha el pudì vegnir salvà. Oz tragisch la lai da muntogna puspè en la cuntrada da pali; ina curta spassegiada maina da la chamona da Gan-

trisch a la riva dal lai. Per via scuntr'ins vagtas e chauras e cun in spievel da champagne pon ins schizunt vesair, cun in pau cletg, in pèr chamutschs.

Via auta dal Gürbetal (17 km da Kehrsatz a Mühletturnen): Spezialmain plaschair da viandar en vischnanca da la citad da Berna fa la via auta da 17 km lunghezza che maina lung il Längenberg tras il Gürbetal. Tgi che vul giudair il panorama e s'interessa per la cultura da las chasas da purs, vegn qua plainamain sin ses quint.

Ruina da la claustra da Rüeggisberg: En il temp autmedieval ha la claustra da Rüeggisberg gi ses temp da fluriziun. L'anteriur priurat da cluniacens appartegneva als convents ils pli impurtants da la Svizra e sa chattava gia adina a la Via da s. Giachen. Oz carmalan la bella vista, la nav traversala bain mantegnida al nord da l'edifizi ed il Museum Pilger interessads a la cultura.

11) Parc natival dal Diemtigtal (BE)

Cun ses stgais culturals e sia cuntrada vasta è il Parc natival dal Diemtigtal ina regiun ideala per excursiuns activas. Vias da viandar mainan lung auals e flums e sper chasas veglias vi sin grassas pastgiras d'alp. Vias tematicas intermediarias a moda impressiuanta las bellezzas ed ils secrets da la natira, sco per exempel quel dal bau rar «rosalia alpina». La via da divertiment «Grimmimutz» maina famiglias a lieus da far termagls e sin la piazza cun gieus d'aua nua ch'ins pitschens perscrutaders scuvran il bletsch mirveglius.

Excursiun da 5 stailas (16 km dad Oey-Diemtigen sin l'Alp Grimmer): En il Diemtigtal datti bieras vias da viandar; quella datt Oey a Schwenden è d'ina bellezza unica. La via suonda als auals Filderich e Chirel e maina tras gauds e prada mirvegliusa.

Plaschairs alpesters: Durant il temp d'alpegiazion pon ins reservar sin las alps dis da divertiment spezial (cun pernottaziun). Durant il di vegn lavurà en stalla, fatg chaschiel u cultivà pastgiras, ins po dentant er ir a chaval u far wellness en il zaiver chaud. A mezdi vegnan ils giasts maldisads cun bellas plattas fraidas u cun tartuffels en paintg fats a la moda da la tatta. La saira datti lura in bun magiel vin sut tschiel avert, servì amez ina cuntrada muntagnarda fascinanta.

12) Biosfera Unesco da l'Entlebuch (LU)

I dat strusch ina regiun che posseda uschè biers stgais nativals sco il vest selvadi da Lucerna. Perquai n'èsi betg da sa smirvegliar che l'Entlebuch è vegni distingui da l'Unesco sco reservat da biosfera. Qua s'extenda in mund mistic: cuntradas da pali intactas alturneschan cun pastgiras d'alp idillicas e cun la Schratzenfluh maistusa. Durant in spassegiada tar l'implant da Kneipp u in'excursiun guidata, sin la tura avventurusa da tschintg dis tras la pali u durant in gir individual sin terrens fitg loms: l'Entlebuch inspitescha.

Excursiun lung la riva da l'Emme (54 km da Sörenberg ad Emmenbrücke; ideal en 3 etappas d'in di): Durant l'excursiun lung la Kleine Emme – da la funtauna a Sörenberg fin la sbuccada ad Emmenbrücke – datti bier da vesair e giudair. Cun mintga meter ch'ins fa ramuran ils flus ed auals in pau auter; els rendan il viandar content e beà.

Spezialitads culinaricas genuinas: Uschè multifara sco la biosfera e la cuntrada da l'Entlebuch èn lur passa 350 products regionals. La paletta tanscha da spezialitads culinaricas sur artisanats innovativs fin a las mobiglias da lain localas. Ils products genuins da l'Entlebuch èn fermamain enragischads en la regiun ed irradiaschan in'identitad senza paregl.

La preschentaziun:
Dossier «Parcs svizzers».

Dapli infurmaziuns:
chatta.ch/?hiid=1676
www.chatta.ch